

Seizneix, moix baez raen gyoengqvunz cawx va ndaem va, gou couh siengj daengz Siujmeiz—dah hagseng lajmbanj gou ngamq dang lauxsae seiz bungz daengz haenx, de gyaundeidei youh dwggyaez, mboujgvaq, gou sij de mbouj dwg aenvih de gyaundeidei, hix mbouj dwg aenvih de dwg hagseng ndei. Dwg vihmaz? Dwg aenvih de ceuqleuz, lijdwg aenvih de bang gou ndaem go va'gut haenx ne? Gou naemj, cungj mbouj dwg. Seizneix gou hix gangj mbouj cingcuj lo.

Gou dawz Siujmeiz hwnjsim, dwg gou daj swihconh bizyez bae daengz aen hagdangz cuhcungh lajmbanj hwnj dangz go daih'it haenx. Dangz go haenx miz lingjdauj daeuj dingq go, gyoengq hagseng cungj miz di simndum, mboujgvaq lij ndei, baihnaj cam gyoengq hagseng vwndiz seiz, gyoengqde cungj han ndaej haemq ndei, mbouj miz gijmaz loek, yawjdaej mbouj miz maz saeh lo, gou soeng liux gaemz heiq he. Byawz rox, mwh yaek roengzdangz, miz boux hagseng ndeu daezok aen vwndiz gig nanz ndeu, daengx ban sikhaek caemliklik, gou baenzlawz yinx gyoengqde, gyoengqde hix dap mbouj ok. Gou cingq mbouj rox baenzlawz guh seiz, miz dah hagseng ndeu gingz fwngz ndwn hwnjdaej, de dap ndaej gig deng, vah youh mizyinx, gangj dwk sawj gyoengq lingjdauj lauxsae riu hwnjdaej. Yienghneix, dangz go neix youq ndaw sing riu gyoengq vunz roengzdangz lo.

Dah hagseng haenx couhdwg Siujmeiz!

Siujmeiz gwn ndaej haemzhøj, de gig roengzrengz doegsaw. Youq baez daih'it gaujsi, de couh gauj ndaej daengx ban daih'it. Gou youq gwnz ban daegbied haenh de, lij gangj le haujlai dauhleix naeuz ranz høj lwg okcot haenx. Hoeng, gvaqlaeng miz hagseng lwnh gou naeuz, ranz Siujmeiz mboujdan mbouj høj, lij gig miz ngaenz dem, boh de youq rog guh seng'eiq, ranz miz ngaenz baenz bak lai fanh. Ndaw ranz fouqmiz youh yienghhaenx gwnhøj, seizneix lij miz

sanjvwnz

Vagutndoi Hai, Vagutndoi Loenq

山菊花开, 山菊花落

□ Lij Yuongzangh/李雄章

geijlai boux hagseng yienghneix dem?

Daj seizhaenx hwnj, gou engq yawjnaek Siujmeiz lo. Gou raen Siujmeiz cozvwnz sij ndaej mbouj loek, gou couh ciengzseiz dawz cozvwnz de bae ndaw ban doeg hawj gyoengq hagseng dingq.

Bingzseiz, Siujmeiz hix gyaenz bae fuengz gou ciq saw yawj, lij linghvaih sij cozvwnz hawj gou gaij.

Ngoenz ndeu, Siujmeiz lij daiq go vagut ndeu daeuj ndaw fuengz gou, youq gyanghôngh ndaem. De lwnh gou naeuz: "Lauxsae, vagut dwg go va gwnz ndoi cei q yungzheih lix ndeu, mboujlwnh mwngz ndaem youq gizlawz, de cungj lix, gou cei maij vagut lo."

Mwh cuengqhag seiz, Siujmeiz ciengzseiz daeuj coengh gou ganq go vagut haenx, de mbouj cinj gou ganq, naeuz gou mbouj rox ganq, guh mbouj ndei lij rox "gaj dai" vagut dem, gou daejriu mbouj baenz, cijndei dingq de.

Mwh seizcou daengz lo, vagut hai le haujlai va, hoengzmaeq hoengzmaeq

bae, gig ndeiyawj.

Ngoenz ndeu, Siujmeiz sij cit sei 《O, Vagut》neix hawj gou yawj, gou roxnyinh sij ndaej mbouj loek, couh son de gaij le geij giz, lij coengh de geiq bae hawj bause, mbouj siengj daengz, caen ndaej fatbiuj lo. Daj haenx hwnj, de engq gyaenz yawj saw, engq gyaenz sij cozvwnz lo. Gij suijbingz sijcoz de hix ndaej cinbu haujlai. De couh ciengzciengz daiyauj hagdangz bae camgya cozvwnz doxdax, hix ciengzciengz ndaej ciengj.

Youh daengz mwh seizcou, gou daiq Siujmeiz bae digih camgya cozvwnz doxdax. Doxdax sat le, gou cam Siujmeiz sij ndaej baenzlawz yiengh, de naeuz roxnyinh haemq ndei, ndaej ciengj mbouj rox bw. Yienghneix, dauq daengz hagdangz le, de ngoenzngoenz daeuj cam gou cozvwnz doxdax bingz ciengj mbouj caengz.

Byawz rox, caengz rox bingz ciengj baenzlawz yiengh, miz ngoenz

ndeu, Siujmeiz mbouj daeuj hagdangz lo, cam gyoengq doengzhag caemh vunz mbanj de cij rox, de naeuz ndaw ranz miz saeh, gaeng cinggyaj bae ranz lo. Neix dwg de baez daih'it cinggyaj, gou siengj de gig vaiq couh dauq hagdangz ba, hoeng, haujlai ngoenz gvaqbae, lij caengz raen de ma, mbouj rox dwg vihmaz.

Cingq youq gou yaek bae ranz Siujmeiz yawj seiz, cij ndaej dingqny i aen siusik yak he: Daxboh de youq baihrog guh seng'eiq canh ndaej haujlai ngaenz le couh yiemz daxmeh Siujmeiz geq, youh naeuz de cij seng lwgmbwk, couh youq baihrog aeu dah sau lengj he guh yahnoix, geij ngoenz gonq dauq ranz caeq daxmeh de lizvunh, youh yiemz Siujmeiz dwg lwgmbwk, vut de hawj daxmeh de, daxmeh de siengsim dangqmaz, couh gwn ywnungzyoz baembwn lo, Siujmeiz raen yienghneix hix couh riengz gwn

Youh gvaq le geij ngoenz, gou sou ndaej fung saenq ndeu, ndaw saenq miz mbaw cwngsuh ndaejciengj ndeu, dwg bien cozvwnz Siujmeiz ndaej itdaengj ciengj!

Ngoenzhaenx cuengqhag, gou bae daengz aenmbanj Siujmeiz, youq dangnaj aenmoh iq de, gou dawz mbaw cwngsuh haenx diemjdawz, feiz hoenzngeungeu, henz moh caem-rwgrwg, gou sim naekgywggywg, nanznanz mbouj gangj vah, nanznanz mbouj liz bae

Go vagut Siujmeiz mdaem youq gyanghôngh gou haenx, aenvih mbouj miz byawz daeuj ganq, gou hix mbouj miz sim bae ganq, hix couh ngoenz ciemh ngoenz reuq, doeklaeng, va couh loenq liux lo. Yawj dwk go va neix, sim gou gig in. Yienghneix, miz ngoenz ndeu, gou couh senj de bae daengz gwnz ndoi, genj gizdieg daengngoenz ciengz ciuq daengz namh youh biz ndeu ndaem roengzbae.

Daj ngoenzde hwnj, ndaw gyanghôngh gou mbouj caiq ndaem gova, gou cij muengh go vagut haenx youq gwnz ndoi maj ndaej engq ndei di, va hai ndaej engq gyaundeidei engq nanz.

Bi 1964 seizcin, Veiz Gozcingh bae daengz Gvangjcouh camgya aen Hoih Cunghnanzgiz, lohgyaq Can-gyangh seiz, daegeiq cingj gij goengdaez diveij Can'gyangh gaisau gij gingniemh gyoengqde ndaem faex guh loegvaq haenx hawj de nyi, caemhcai q ngonzyawj le gij loegvaq ndaw si caeq diegfaex henzhaij. Dauqma le, de hwnjheiq senhconz caeq doigvangq ciuq gij saehsaed bonjdieg bae okmaeuz daih guh vunzlai ndaem faex caeq caijyungbuenzyingzyangj ganq miuz gij gingniemh senhcin neix, hawj gij hong cauh ndoeng loegvaq Guengjsae haenx guh ndaej engqgya maenhsaed.

Ginggyaq bi dam bi lienzdaemh cauh ndoeng, haujlai ndoifwz byandoq daengx gih cungj ndaej goemq geu buhheu gvaq. Canghvuz Yen baihhenz miz aen Ndoilungzheux, dieg gvangq daih'iek 1.5 fanh moux, aenvih gwnz bya faex nywj noix, namhraemx laesaet youqgaenj, gyonj miz 1500 lai giz lueg, diuz Dahhozgaeq gvangq 3

maex, raez 4 goengleix ndeu cienzbouh deng namhsa dienz doh, naz deng gyan daihgaiq 3000 moux. Gvaqlaeng ginggyaq lai bi lienzdaemh ceiqleix, fatdoengh vunzlai buen namh hwnjbae bae ndaem faex cauh ndoeng, guh gofaex mbawcim, gofaex mbawhung doxgyau ndaem, ndaem deihdindin, yungbuenz (gyaiz) yingzyangj ganq miuz, mbwn rengx rwe d raemx, gyagiengz guenjoh, dauqdaej bauj ndaej namhraemx lo, hawj gij ndoifwz byandoq, luegdah mbaetraemx, ndoi bya naedrin dauq-cungz ndaej maj doh gofaex, gig lai

nazhaeux youh ndaej dauqcungz ndaem lo. Veiz Gozcingh gingciengz yungbuenz Ndoilungzheux guh laeh, son'gyauq ganbu aeu yawjnaek ndaem faex cauh ndoeng.

Youq guh vunzgoeng cauh ndoeng doengzseiz, gak gaep cwngfuj lij youq gij dieg faexlwg baenzbenq, gij dieg faexmeh raemj le ce roengz haenx, gij dieg faexraemxgoek deng buqvaih gvaq haenx, daihlig doihengz fung bya hoh faex. Gij dieg fanzdwg fung bya hoh faex haenx, gofaex haemq vaiq cix majhung lo. Songhenz Dietloh Siengh-Gvei Cenzcouh daengz

Lingzconh haenx, 60 nienzdaih deng gozdingh baenz gij dieg fung bya hoh faex cungdenj gocoengz-riengmax, gofaex maj ndaej haemq mwn, doeklaeng baenz le aen dieggoek cauh'ok iengcoengz youqgaenj Guengjsae ndeu. Veiz Gozcingh baezbaenz naengh cifeiz lohgyaq gizneix, cungj haemq haeujsim gij bienqvaq gaiq diegfaex neix, de naeuz: "Fung bya hoh faex gig youqgaenj, miz ndoengfaexmeh le, caiq fung bya hwnjdaej, mbouj yungbuenz geijlai bi, gij faexlwg cix haemq vaiq majhung lo."

(caengz sat)

Veiz Gozcingh Sangcieng Cawj-guenj Guengjsae Ngeihcib Bi

韦国清上将主政广西二十年

□ Hoz Saubangj sij Cinz Siengzcouh Liuz Gingliuj Cinz Siengzgen hoiz